

PRAVILNIK O ČLANSTVU U UDRUŽENJU/UDRUGI TURISTIČKIH AGENCIJA - UTA BIH

*Na osnovu čl. 11. Statuta Udruženja/Udruga turističkih agencija u Bosni i Hercegovini –
UTA BiH,
Upravni odbor na sjednici održanoj dana 10.05.2016.godine, donosi*

PRAVILNIK O ČLANSTVU U UTA BIH

I - OPŠTE/OPĆE ODREDBE

Član 1.

Ovim Pravilnikom Udruženje/Udruga turističkih agencija u Bosni i Hercegovini – UTA BiH (u daljem tekstu : UTA), utvrđuje kriterijume i propisuje uslove za članstvo u UTA.

Član 2.

Članice UTA mogu biti turističke agencije registrovane za obavljanje turističke djelatnosti, sa poslovnim sjedištem u zemlji i inostranstvu i pravna i fizička lica koja nisu registrovana za obavljanje turističke djelatnosti, ukoliko je njihovo poslovanje od interesa za unapređenje rada UTA.

Član 3.

Članice mogu biti u statusu punopravnog člana, pridruženog ili počasnog člana UTA .

II – PRIJEM U ČLANSTVO

Član 4.

Odluku o prihvatanju procedure za prijem u članstvo donosi Upravni odbor UTA, na osnovu zahtjeva lica iz čl . 2 ovog Pravilnika (u daljem tekstu: kandidat).
Kandidati za članstvo u UTA, moraju ispunjavati uvjete i kriterijume utvrđene ovim Pravilnikom i u svom radu se pridržavati standarda i kodeksa UTA.
Zahtjev za prijem u članstvo sa potrebnim priložima predaje se putem e.maila, neposredno ili putem pošte stručnoj službi UTA, 71000 Sarajevo, ulica Maršala Tita 38 d.

Član 5.

Rok za donošenje odluke o prijemu u članstvo UTA je 60 dana od dana podnošenja urednog zahtjeva i sprovedene propisane procedure.

Član 6.

Svim članicama UTA putem E - mail dostavlja se informacija sa osnovnim podacima o kandidatima za prijem u članstvo UTA na mišljenje .

Članice UTA u roku od 10 dana mogu dostaviti svoje mišljenje u vezi prijema kandidata u članstvo UTA .

Ako se mišljenje u predviđenom roku ne dostavi, smatraće se, da je isto pozitivno.

Član 7.

U slučaju negativnog mišljenja više od 3 (tri) članice , predsjednik UTA predlaže Upravnom odboru donošenje odluke u roku od 15 dana od dana dostavljanja Primjedbi članica. Odluka Upravnog odbora je konačna.

Član 8.

Kandidat koji je odlukom Upravnog odbora primljen u proceduru prijema u članstvo UTA dužan je da od dana prijema odluke uplati pristupnu članarinu i to: agencije i lica iz člana 2. ovog Pravilnika do 2 zaposlena 200,- BAM, a agencije sa 3 do 7 zaposlenih 300,- BAM i agencije preko 7 zaposlenih 400,- BAM. Obaveza plaćanja redovne članarine za nove članove nastupa od početka godine koja slijedi nakon godine kada je zaključen Ugovor o članstvu.

Odluku o visini članarine donosi Upravni odbor na prijedlog predsjednika.

Kandidat u proceduru prijema dobija od UTA sve e-mail informacije a na sajtu UTA će biti vidljiv uz napomenu da se radi o članici koja je u proceduri prijema, osim ako Upravni odbor svojom pojedinačnom odlukom ne odredi drugačije.

Kandidat je dužan da u roku od 60 dana od dana dostavljanja odluke o prijemu svoje poslovanje uskladi sa Statutom i opštim/općim aktima UTA, i o tome obavjesti UTA radi upisa u evidenciju članica UTA i zaključenja Ugovora o članstvu.

Ispunjenjem uslova/uvjeta iz stava 1, 2 i 3. ovog člana, kandidat u skladu sa Statutom UTA, stiče sva prava i obaveze članice, o čemu se izdaje potvrda i sertifikat o članstvu u UTA i sa istim se zaključuje Ugovor o članstvu kojim se regulišu međusobna prava i obaveze.

Članice su dužne da na vidnom mestu u svakom maloprodajnom poslovnom prostoru, istaknu sertifikat o članstvu u UTA.

Član 9.

Protiv odluke o odbijanju zahtjeva za prijem kandidata u članstvo UTA , dozvoljen je prigovor , koji se dostavlja Upravnom odboru u roku od 8 (osam) dana od dana uručjenja odluke.

O prigovoru odlučuje Upravni odbor u roku od 30 (trideset) dana od dana prijema

urednog prigovora. Protiv odluka Upravnog Odbora, u roku od 30 dana, može se izjaviti prigovor Skupštini Udruženja, čija je odluka konačna.

Član 10.

Predsjednik UO sprovodi kompletnu proceduru prijema i prestanka članstva u UTA. Predsjednik UO može da za pojedine članice ili grupe članica odrediti drugačije rokove plaćanja članarine, uvećavati iznose pristupne i redovne članarine od minimalno utvrđenih od strane Upravnog odbora, uzimajući u obzir finansijsku sposobnost, doprinos i pogodnosti koje članica ostvaruje članstvom u UTA.

III – POSEBNE ODREDBE

1. PUNOPRAVNI ČLANOVI

Član 11.

Punopravni član UTA mogu biti pravna i fizička lica registrovana za obavljanje Turističke djelatnosti pružanja usluga turističkih agencija u skladu sa važećim Zakonima o turizmu kantona, FBiH i RS kao i Distrikta Brčko.

Član 12.

Prijemom u redovno članstvo UTA, punopravna članica ne stiče automatski pravo članstva u pojedinim odborima, pododborima i grupacijama. Za članstvo u pododborima, odborima i grupacijama, punopravna članica, mora ispunjavati, pored opštih/općih uvjeta predviđenih članom 13. ovog Pravilnika i propisane standarde i kodekse, koje utvrđuje Upravni odbor na prijedlog svakog odbora, pododbora ili grupacija, kao i ostale obaveze propisane Statutom UTA.

Član 13.

Uz zahtjev za prijem u punopravno članstvo kandidat prilaže:

- popunjenu Prijavu za punopravno članstvo (Obrazac br. 1);
- preporuke najmanje dvije članice UTA (Obrazac br. 2);
- radnu biografiju direktora ili vlasnika;
- kratak prikaz rada i referentnu listu poslova za prethodnu kalendarsku godinu i plan poslovanja za tekuću godinu;
- izjava podnosioca zahtjeva (Obrazac br. 3)

- da mu nije izrečena zaštitna mjera zabrane obavljanja djelatnosti, za vrijeme dok zabrana traje
- da nema neizmirenih obaveza i nerješениh sporova sa članicama UTA
- da nema nerješениh žalbi putnika u prethodnoj kalendarskoj i tekućoj godini

Izjava o prihvatanju odredaba Statuta udruženja i drugih općih akata UTA, i da će poslovati u skladu sa dobrim poslovnim običajima (Obrazac br. 4);

Dokaz o izvršenoj uplati troškova razmatranja zahtjeva;

2. PRIDRUŽENI ČLANOVI

Član 14.

Pridruženi članovi mogu biti lica iz člana 2. ovog Pravilnika, koja se bave komplementarnim djelatnostima u odnosu na turističku djelatnost, ukoliko je njihovo poslovanje od interesa za unapređenje rada članica UTA, a na osnovu podnijetog zahtjeva za prijem u pridruženo članstvo.

Pridruženi članovi UTA mogu biti pravna i fizička lica (koja nisu registrovana kao preduzetnici), privredni subjekti koji upravljaju zaštićenim područjima i drugi subjekti koji su registrovani za obavljanje turističke djelatnosti za koju su registrovani kod nadležnog organa (smještajni objekti, restorani, vodiči, pratioci, animatori...), pružaju turističke usluge aktivnosti u prirodi i posreduju u turističkom prometu (zastupnici).

Uz zahtjev za prijem u pridruženo članstvo UTA, kandidat po pravilu prilaže: popunjenu prijavu za pridruženo članstvo (obrazac 1);

izjava podnosioca zahtjeva (obrazac br. 2):

- da mu nije izrečena zaštitna mjera zabrane obavljanja djelatnosti, za vrijeme dok zabrana traje
 - izjava kandidata da nema neizmirenih obaveza i neriješenih sporova sa članicama UTA
- Izjava o prihvatanju odredaba Statuta i drugih opštih/općih akata UTA (obrazac br.3);
Dokaz o izvršenoj uplati troškova razmatranja zahtjeva.

Direktor ili resorno zadužen rukovodilac kandidata za prijem u članstvo obavezan je da prisustvuje sjednici Upravnog odbora na kojoj se odlučuje o njegovom prijemu.

Član 15.

Pridruženi članovi imaju:

- prava i obavezu da učestvuju u radu upravnih, stručnih, radnih i savjetodavnih organa i tijela UTA (odbori, pododbori, komisije, radne grupe, sekcije)
- sva ostala prava i obaveze predviđene Statutom UTA.

3. POČASNI ČLANOVI

Član 16.

Prijedlog kandidata za počasnog člana UTA iz kruga lica iz člana 1. ovog Pravilnika, mogu dati najmanje 3 (tri) punopravna člana ili 5 (pet) pridruženih članova, odnosno Upravni odbor uz pisano obrazloženje.

Status Počasnog člana se stiče na osnovu izuzetnog doprinosa razvoju i unapređenju rada UTA, odnosno agencijsko-turističke djelatnosti u cjelini.

Počasni član može učestvovati u radu organa, upravnih i radnih tijela shodno Statutu UTA.

Član 17.

Nakon donošenja odluke Upravnog odbora o prijemu kandidata u počasno članstvo, proglašenje prijema počasnog člana vrši se na prvoj narednoj sjednici Skupštine UTA .

IV – PRAVA I OBAVEZE ČLANICA

Član 18.

Članice UTA imaju pravo na kontinuiranu promociju, pristup informacijama, olakšan pristup sektorskom obrazovanju i drugo što proizilazi iz korištenja mreže poslovnih partnera. Članice UTA imaju slijedeća prava i obaveze:

da pokreću i razmatraju pitanja iz djelatnosti UTA;

da učestvuju u pripremi, donošenju i realizaciji programa i planova rada UTA;

da učestvuju u pripremi propisa iz oblasti turizma i pokreću inicijative u izradi normativnih akata UTA;

da neposredno ili preko svojih predstavnika u organima i tijelima UTA daju prijedloge, sugestije i mišljenja, radi donošenja odgovarajućih odluka zaključaka i dr.;

da iniciraju i predlažu osnivanje odgovarajućih oblika organizovanja i rada UTA;

da predlažu kandidate za organe i tijela UTA i da neposredno učestvuju u njihovom radu:

da koriste poslovne i druge informacije kojima raspolaže UTA;

da koriste stručnu i drugu pomoć, kao i usluge koje vrši UTA u okviru svoje nadležnosti;

da uredno plaćaju članarinu i obzbeđuju uslove za efikasan rad UTA;

da u svom radu poštuju i razvijaju poslovni moral i dobre poslovne običaje;

Posebne obaveze svake članice je:

da na sajtu UTA vrši unos svojih programa putovanja i drugih vrsta svojih poslovnih ponuda;

da ažurira unijete podatke na sajtu UTA;

da sa svog sajta postavi link prema sajtu UTA;

da na svim zvaničnim dokumentima stave znak i logo UTA;

da dostavi trazene podatke za potrebe UTA;

da u poslovnim prostorijama vidno istaknu setifikat o članstvu u UTA.

Član 19.

Sve članice ravnopravno učestvuju u organima i tijelima UTE sa pravom odlučivanja. Pridružene i počasne članice nemaju pravo glasa u Skupštini.

V – PRESTANAK ČLANSTVA

Član 20.

Svojstvo članice UTA prestaje:

istupanjem članice iz Udruženja;

isključenjem članice iz Udruženja;

prestankom rada članice Udruženja;

prestankom rada Udruženja.

Član 21.

Članica može istupiti iz članstva podnošenjem zahtjeva za istupanje, bez obaveze navođenja razloga koji su je rukovodili da istupi iz UTA.

Rok za istupanje je 6 (šest) mjeseci i počinje da teče od dana prijema zahtjeva za istupanje iz UTA. Zahtjev za istupanje iz UTA evidentira Stručna služba.

U slučaju istupanja, članica je dužna da prethodno izmiri sve svoje obaveze prema UTA do kraja godine u kojoj ističe rok za istupanje.

Odluku o istupanju članice donosi Upravni odbor u roku od 30 (trideset) dana od dana podnošenja zahtjeva.

Član 22.

Članici može prestati svojstvo člana isključenjem, ako:

1. trajnije ne izvršava svoje finansijske obaveze prema UTA;
2. u obavljanju svoje djelatnosti istupa suprotno važećim propisima kojima se uređuje obavljanje osnovne djelatnosti članica ili UTA;
3. članica se ne pridržava pravila savjesnog i dobrog privrednika, i ako svoje finansijske obaveze ne ispunjava prema drugim članicama UTA;
4. ne postupi na način i o roku utvrđen odlukom Suda časti UTA,
5. članica na drugi način svojim postupcima nanosi štetu ugledu UTA i njenim članicama;

Kao mjera upozorenja, članici koja ne postupi po dostavljenom pisanom upozorenju o nepoštovanju ovog Pravilnika i drugih akata UTA, privremeno se onemogućava pogodnost korišćenja sajta i njeno prisustvo na sajtu UTA.

Član 23.

Trajnijim ne izvršavanjem obaveza smatra se kršenje odredbi Statuta Udruženja i drugih opštih akata UTA, kao i ne izvršavanje finansijskih obaveza prema UTA u trajanju dužem od 3 (tri) mjeseca.

Član 24.

Odluku o isključenju članice donosi Upravni odbor u roku od 30 (trideset) dana od dana pokretanja inicijative.

Inicijativu za isključenje članice mogu pokrenuti Upravni odbor, predsjednik ili tri članice UTA.

Član 25.

U slučaju isključenja, svojstvo člana UTA prestaje danom donošenja odluke o isključenju. Infomacija o isključenju članice objavljuje se na sajtu UTA i u drugim medijima na osnovu posebne odluke Upravnog odbora.

Član 26.

Uzajamna prava, obaveze i odgovornosti između UTA i isključene članice, prestaju da proizvode pravno dejstvo istekom 30 dana od dana kada je donijeta odluka o isključenju. Sve svoje obaveze prema UTA članica je dužna da izmiri do 30 dana od dana kada je

donijeta odluka o isključenju.

Nakon isteka roka iz stava 2. ovog člana, pokreće se postupak prinudne naplate, odnosno utuženja.

Član 27.

Ako članica Udruženja prestane sa radom, prestaje i njeno članstvo.

Uzajamna prava, obaveze i odgovornosti između UTA i članice koja je prestala sa radom, prestaju da proizvode pravno dejstvo istekom mjeseca u kome je članica prestala sa radom.

Član 28.

Ako UTA prestane sa radom po bilo kom osnovu, svim članicama prestaje svojstvo člana.

Uzajamna prava, obaveze i odgovornosti između UTA i članica prestaju da proizvode pravno dejstvo istekom mjeseca u kome je UTA prestala sa radom.

Član 29.

Prestankom članstva po bilo kojem osnovu prestaje i pravo korišćenja znaka, loga i svih pogodnosti koje dobivaju članice UTA.

VI – ZAVRŠNE ODREDBE

Član 30.

Članice koje su primljene u UTA prije stupanja na snagu ovog Pravilnika, dužne su da svoje poslovanje usklade sa odredbama ovog Pravilnika, u roku od 60 (šezdeset) dana od dana njegovog stupanja na snagu.

Sve što ovim Pravilnikom nije predviđeno važe odredbe Statuta i drugih akata UTA.

Član 31.

Ovaj Pravilnik stupa na snagu 10.05.2016.godine.

Stupanjem na snagu ovog Pravilnika prestaju da važe pravila o članstvu u UTA.

Velibor Babić, predsjednik Skupštine

Zoran Bibanović, predsjednik